

詩賦姓氏

外編 俱他邑人

義烏王禘

長洲高敏

青水周忱

泰和楊士奇

濮州李廷相

茶陵李東陽

休寧程敏政

慈谿楊子器

淳安徐澂

長洲劉溥

長洲王賓

長洲周震賓

長洲吳一鵬

崑山顧鼎臣

崑山王同祖

長洲吳寬

吳縣楊循吉

平涼孫一元

長洲沈周

長洲王寵

長洲黃省曾

長洲皇甫汸

崑山吳中英

崑山周詩山人

崑山俞允文

山人

武進唐順之

太倉王世貞

太倉王世懋

宣城沈懋學

南昌趙國琦邑令

鄞縣屠隆

華亭馮時可

共賦一首詩六十首

內編俱本邑人

黃敏

楊福

錢甦

張洪

徐恪

桑琳

李傑

王鼎

呂因

桑瑜

桑瑾

張京安

桑悅

狄雲漢

鄒武

朱召

丁奉

楊儀

沈應魁

錢詔

錢仁夫

錢籍

嚴訥

張文元

陳瓚

趙用賢

孫七政

陳儒

共賦二首詩六十八首

皇明常熟縣文獻志卷十七

邑人管一德士恒編次

詩賦志小序

常熟故無詩三唐兩宋勝國蔑如也入我明而作者代興吐奇競秀其最著者吳文恪訥張修撰洪季仲怡箎丘仲野方錢景寅昕湯魯寶琛三桑別駕廷璋瑾廷瓚瑜民懌悅李文安傑王元勳鼎狄天章雲漢錢世恒承德錢士弘仁夫丁獻之奉陳祭酒寰楊夢羽儀錢汝載籍嚴文靖訥沈仲文應魁邵伯如圭

潔孫子虛樓陳莊靖璣趙汝師用賢俱能題詩作賦
若山人則沙盆三錢更生甦允言昌允暉曄又桑鶴
溪琳孫世節艾王元肅揖沈石丘冕孫齊之七政亦
翩翩堪與鴈行余故采而輯之而海內名流登臨應
酬于常熟者附焉分爲內編外編合爲一卷若近世諸
公例未敢遽入也

虞山賦

有序

趙國琦邑令

曩余剖竹江淮筮仕瀟川瀟川羣崖競秀萬壑爭
流余方以吏爲隱端可卧而治也詎意屢辱露章

指引康莊捧檄東來旣遠江北羣山遂遊東南大
海山海奇勝皆余眺覽迨入境復睹虞山顯敞縣
寓馮馬愈知河山無異風景不殊造與余登高作
賦臨水賦詩之志雅相湊泊矣遂喜而抽毫染翰
進簡而賦之其辭曰

按保章之應宿莫星紀于揚州地分雲漢權帶江湫
寄須女之景曜比翼軫於牽牛幅員代異沿革遞修
或稱虞鄉而置尉或別剡胸以爲州南沙更於咸康
信義表於分婁儵麗越以爲羅忽包楚以爲溝虞仲

歛鴻冥之翼周章肇五世之麻逝茲山之標彩寔蒼
姬以表秀故爾其地脉則大海亘其東江境抵其西
馳山港於北極介長壤於南隄東南關以花瀆東北
廓以浪芝涇津跨其西南陰池泓於西北廣袤伍伯
有奇提封六朝爲域襟帶七絃披靡海滋沿以溟渤
阻以歐輿林皋沃野原隰平隈經紀天地錯綜人物
固殫其山川之所極目對寓之所寶殖通四衢以交
會茂八區而蒸腋故攷其爲羣山之父也狀則磐紆
第萃峒嚙欽崖齧岬嶠嶠嶠嶠屹叱鬪龍而山破

眇金鳳以叢飛峙靈龜於三界頂龍母於陲岬中峰
展矣高驤劍門闢於鋒銳苑山韜美而產石河陽聳
翠以翰衛鳥目傍羲赫之馭鷲嶼夸鸚鵡之異崇德
截辟以嶠聿永安偃蹇其陂曳更有奇泉拂溜瀑布
如練靈液藥珠高瓶噴濺銀河倒瀉天表迴瀾橫披
水殿千玄霄而散雪引流瓊以飛箭墜羣玉於玄圃
吐驪珠於丹苑迺有恠石若隱若見橫東崑以連架
挺龍祠以倒懸石屋輻輳飛梁插烟危若三巖巖如
絕巘洞則水簾寂以迎雲桃源杳而留丹朱砂韞彩

於山輝僂疊匿景於重巖澗則龍泉液滴桃澥澥潄
翠珉掬秀以滂沱鐵麓濯錦而砥滄以故土膏水潤
吐芬揚烈蕤馥蓀蕩旖愛眩弗花則長春發艷紫薇
飄萼凌霄靈壽丹葵日曠宜男擢幹以佻菲棣棠嬋
媛而糅灼醑釀嬰黃於蕙苧渥丹剪彩而綺錯離離
朱實淒淒藜泊木則女貞與嚴霜比潔椐材乘月魄
爭奇七檜婆娑於星壇蒼松挺節於寒畏梓桐含廣
陵之音木犀穿嶺高之桂果則吳櫻擅美李唐密罽
延味汴京鶴頂綠萼梅鬪雪英糖囊朱橐橘柚希珍

韓墩天梨縞夜林擒金批銀杏紫萄水晶三桃表嬰
胡之別二柰絢丹白之菁華實之毛夥够充物於是
有羣鳥傲睨於其上鳩鵲唼喋於其岑嚶嚶蘇鳴躋
碧攀林晨鳧旦至候鴈啣蘆山雞振羽馴雉伏雛鶴
儔鶴侶鷓鴣鸚鵡隼叅霓以穿霧鷓鴣避風而棲
遲產能翻翮奮翮鼓翅飛塗薄廩容與自適迨夫四
時長楸景物咸集或因春苔始生或緣赤符司日或
悲落大於勁秋或翫六花於冬蟄舟艤纜水濱車馳
鷺山脊遼浪宇宙徙倚玄穎彌節頓轡徜徉絕頂圍

八極於寸眸羅萬有于一瞬迺見亭館臺榭琳宮梵
宇橋梁截浪江海連池故觀其亭臺則極目而望彌
天渺朗吟而聲達帝闈井成丹以化鵠杏光淥以倚
雲空心徹於潭影海日望於高陵瞻其樓閣則凌虛
焚燎以搏空宣風流景而銜驪樂山如鉤星隱電救
虎若荷棟承霓雕楹玉碣繡栴椒楣繪木蘭以爲椽
飾文杏以爲璃覩其殿宇則呈浮屠於漢闕洗慧日
於天池法水飄而巨木浮石井冽而永慶晞閣複閣
于興福汎海鍾于妙清白龍瑞藹上方軍寨屏壯太

平曠靈異於真武茂竹實於乾元紫闥玉題金鋪赤
蓮傍夭矯而橫出欵虬虹以奎聯下睨街衢則見塵
閤撲地訶吹沸天比屋摩雲列隊星駢廬井櫛比機
杼夜喧闐城溢廓吐氣成煙騎駟輻輳駱驛累闌萬
瑱斐亶以綦布染藻楮堊以鏤軒般倅棄其剗刷王
繭投其鈎纏俯瞰江湖則見琴水韻而山谷鳴尚湖
釣而鼎呂懸鮫人納漢以泣珠馮夷鼓楫於重淵漭
沆洋溢澈湯錯襲灑灑潢漾淼灑灑盪盪盪魚則長鯨吐
浪修鯢參施鱸鮓鮐魴鱗蜃蠃蝠飛涎破漫掉尾揚

鬢或曝采於滉絡或嚇鯢於巖淤於是乎遙望海湄
遠盼狼胥喻漪洳控引入裔瞭大荒而駕弱水下
碣石而上方壺蜃結則天吳戲彩龍樓潮颺則海若
晉揖靈夔剖鉅蚌於瀕齋網珊瑚於島嶼陽侯震羽
以呼雲鯤鵬奮怒而蔽日萬籟助澎湃之聲五嶽絢
洪濤之色南滄朱崖北灑天墟東演折木西迥青徐
長波瀟洄萬里無際珍恠萬狀穎楮彌極伊其爲山
誠九州之上腴實天地之奧區焉以故毓靈葆光至
人遐舉慕二老之玄踪追葛天之夷軌范蜚遺世而

翫道神翁絕粒而茹芝控鶴類王喬之冲天飛錫若
應真之躡虛娛靈囿於霞渚期倅倅於巒舒桂父駕
鶴以遊漢羨門驂鸞而騰駒又有代鍾世瑞棟隆王
室玉鉉金蘇喬梓商室大白鷹揚嶷巖奮跡文學南
敷絃歌化邑嗣是詠世德之駿烈紹先達以清芬結
墳典以爲畧奉儒墨以爲賓馳文章之林府嘉麗藻
之彬芸翺翔執圃修容禮門岐嶷繼體奕葉老成鍾
鳴鼎食蟬聯組纓詰人鞞鞞以誕秀大雅焱焱而啓
胤徽音俎豆文物寢盛匪直極人神之壯麗抑且瓌

山海之饒盈富侷鴟夷澤國是稱黍稷油油稷稜
稜五穀垂穎荷鋪成雲蔽錕累萬貨賄丘山五都襪
纒綺錦裘純吐爛生風欲埜歎巖裒以藻火飾以文
藍此其豪奢已不可殫矣矧有都人士女袷服靚粧
習御娛燕狎賞靈岡或捫羅而遊山或流水而泛觴
修袖繚繞以凌巒羅襪躡蹠以步芳陸摘紫房水桂
楨鯉俄宴於林隨稜於汜巴姬鼓瑟齊女吹竽謠者
應絃而和響舞者赴節以投袂珠翠奪乎嬋娟隋環
炳於姝嬪旣美且都猗與盛矣胡復有里閭遊俠寔
蕃有徒輕生重氣構黨連羣節慕原嘗名亞申春彈
射滅否月旦更評所好生羽翼所惡擠深淵崇繁習
侈靡泰瑰豔伯益不能紀其隆隸首不能握其筭夏
鼎不及鑄其奇六書罔獲罄其羨於戲豐憂日中有
大不盈上欲維風下宜還醇際此極盛汰末崇本憶
昔三五玄化所軫木無鑽鍤土無締錦綈衣不敝革
鞞不程賤瑁璠而疏珠璣斥犀象而遠連城器用陶
匏穀食不美女修織絰男務火耕抑師涓宴衍之滯
樂屏清商窈眇之靡音敦慕六德六行雅備孝友睦

常
婦襲溫良之黼黻被禮義之繡衾匪雕匪斲去泰去
甚故曰處沃土則逸處瘠土則羸此張衡所以慨世
豫順所以常寧樽節是風肇悅不飾履蹈維繩旌行
維墨揚雄尚玄安仁抱拙則峻德與茲山而比崇克
讓邁先民而抗節功助太階聲流金石赫赫靈聖巖
巖巖粵

虞山賦

丁奉

虞仲之德與泰伯同孔子稱伯曰至德安知其不
以伯該仲也夫以虞之德視九州四海無一可掇
其情顧於茲山特取而終身焉山曰虞山又直以
其名名至今於乎其諸異乎九州四海之山歟嘗
與客躋東嶺弔虞墓則周章以封吳而壘其左齊
女以女吳而壘其右大抵虞家事也弔畢卽呼山
以作賦其辭曰

吾山於常熟居揚州之墟屬斗牛之次蓋由唐虞而云然則其前孰知其所自結氣撐天修形伏地四盼八職坐殊立異其丰神銳進匆匆乎之東則如在田之龍亟欲吞臯峯赴巨海而琴水七川顧以前導之便勒其秀於邑中其脉絡線延依依乎西顧則如徃東之客不忍拋鳳嶺撇鷲岫而小山一疊特以後長之義承其顏於頃步面姑蘇則全吳諸山隱隱約約歷指其名殊而狀各背楊子則緣江諸境茫茫森森宛見其波微而棹小及其發雨施雲啣陽吐月嵐闔

烟開霜過雪歇迺萬態之不齊匪兩端而可竭近則傾妍殫麗倒浸尚湖之淵遠則分佳析巧映掩昆承之窟試與子登高諦覽借筇數之其峯則石城石門共龍母兮嶙峋其泉則大澗小澗貫鐵山兮澹澹洞有水簾兮漱玉琮琤若僊人等洞嘗一探而神絨鬼秘灣有寶巖兮開屏秀敞至丁邵諸灣每數步而林更嶂易然猶未見其奇也拂崖之水自高趨卑不但疾如奔驛而回飈滴瀝灑甘霖於二界三沓之石以小承大不但險如纍卵而恒風撼簸駐危形於萬古

他若徐神翁之丹井猶存蕭太子之書臺無主劔試
豁崖俗說吳之伯辟葬遺兩塔信係唐之高僧更與
子叅禪而訪道盡乎十八里之峻嶒上方院中峯寺
芾其股而宇闔參差厥有空心一潭則常建之所詩
也致道觀東嶽祠弁其首而宮殿赫奕厥有星壇七
檜則梁時之所植也崇如維摩幽如興福山居一均
禪福半麓燦金碧其相望聳琳琅而作簇斯地也謝
公失遊柳子未記幸矣吾徒於焉永寄釀酒資乎白
土點易利於朱砂夏暑驅蚊世賴烟條之草冬寒策
蹇歲探石梅之花若乃檜栢杉松茄瓜苛蘇栽苗拔
種入市入途黃精香蕈白扁山菇南星附子衆藥可
需海門之柿頂山之栗櫻李初收杏桃方實負擔提
筐輕資眇息其禽獸則山鴉黃雀花鷺青鳩刺鷹練
帶彩雉白頭青狼攸伏猛虎或投麕獐獾兔駉駉遨
遊置阱以腊彈射以羞此皆山間之樂事而未究其
蜿蜒磅礴之精英惟夫鍾鬣產秀代盛迭榮吾見穹
碑高封敕相褒卿鬱松楸其百壤殆皆於此死而於
此生靈矣哉其爲山中之崢嶸者耶蓋嘗拜巫咸之

塚則思王業惟三代翊之者殷商有幾而此獨生夫
 伊人若夫崧嶽之生申甫孰敢爭其先又嘗奠言偃
 之墓則思聖道惟孔門傳之者南方無人而此獨生
 斯一哲若夫眉山之生三蘇孰敢儕其賢論斯二者
 則天台武夷焉用彼勝蓬壺閬苑奚取於僊諄曰此
 山如此之靈今吾何以爲其中之人巖雲數畝今獵
 義耕仁此可逃紅塵不可逃白髮今年年一春

龍母峯名
產白龍

鐵山
澗名

尚湖賦

丁奉

余賦虞山之明日客曰君知山之遭虞仲不知湖
 之遭太公乎太公尚辟紂居東海之濱來遊于斯
 人之名斯湖者遂訂之曰尚湖之所遭其奇之尤
 者哉夫巖陵隱者爾其灘獲稱曰巖且誇高無窮
 大公之德之功掩伊周著天地斯湖也而乃斯名
 耶故曰奇之尤者也余乃洞酌其波濡毫而爲之
 賦其辭曰

巨靈以鼎鑪之雄拳鑿鴻龐之廣陸遷極海之冥濤

襄古虞之陽麓控吳郡於東南襟熟城而西北闡勝
彌繁描幽罔鞠曩嘗與子希赤壁之樂則月小山高
一川寶鏡肆訪戴之行則溪空雪沍四岸瓊瑤雲縞
霞緋河晶霄翠虹時電際星夕烟朝映天家之萬象
迴一碧其飄飄况夫沉巒若髻印嶺如屏峰倒戈矛
之態林浮旌旆之形溼溼灑灑滴滴澄澄瀆淪以沸
勺滂以烝每貼羅而展殼更玉漾而珠騰此吾平居
之所以曠志怡情者也至於水合經旬迷津四路風
翻暝晝蹴浪半空觀斯時也則知滹沱之所以克濟
乎王霸而江湖之所以見憂於范公吾且登樓竚睇
則巨賈魏艘西指澄江之漫漫孤商隻鷁南趨吳郡
之渺瀰過錫來崑歸常赴潤泐泐周道汨汨枝岐長
綃我差遠戴扶桑之旭層帆颯纒忙追昧谷之曦若
乃葉浜徐墅邵港錢涇至羣陂而衆汜紛有號而無
名惟夫惠洞一涇九達衝要烏山一穴百丈淵玄湖
田二村僻若張志和之宅趙宋諸圩窪如陸魯望之
田斜堰朱涇橋槎竝臥小山張墓梁石雙懸他如驚
漪駭沫忽被白茅之潮接渙聯潯素作昆承之對襟

帶一山而相爲始終綿亘諸鄉而頻更景類灘痕繼
濕走篆迴文沙彩矜晴輝璣閃貝此皆其大觀焉耳
矣若夫民之利之者千竿飼豕之草萬筍培稼之泥
漁則提綱泛眾鳴榔引釣截罾垂籃無乎不效所獲
者鯨鯢鯉鯪紫鰕鱖鱔鰻鯪鯪金背銀絲而能催
吾歸者蓋鱸魚更肥也戈則暗彈明媒偵眠候食比
畢稱義無乎不力所獲者天鵞仙鶴老鸛靈雞鷺鴛
鷓鴣睢鴈鳧鷖而能忘吾機者蓋白鷗相知也赤蓼
蘼芎蒲薦卮菇菱蓮藕以豆以市蒹葭芡茨以爨

以籬吾又行吟訪古則父老僉曰頂山之白龍歸省
甘雨時漲丹井之雙鶴飛墜神光夜明開國伯印公
宋理宗之名臣也卜葬於斯今日印壘大丞相柴公
周世宗之嫡裔也僑居來此今日柴涇斯地也朴素
成村優游作族寵辱不驚如龐德公之土耕耘自贍
猶鄭子真之谷噫吁嘻家其中者欲與古之幽貞爲
屬耶夫斯地攸居湖南一曲閱琴川之八境惟自此
其長獲旱以湖漑潦以湖承承之斯稔漑之斯登蓋
不特供騷人之嘯弄而實以濟百千萬之蒼生吾於

是載拜夏后氏之底績且報謝水若之英靈乃系以
歌曰所貴乎有此山今惟以其有此湖然而又貴乎
有此人今安得此人洵矣都

白龍每歲五月
十三日省毋祠

神光夜明卽
徐神翁故事

五言古詩

言公墨井

高啓

寥寥武城宰遺井虞山陰千載汲未竭九仞功應深
藝圃自可灌道源誰復尋絃歌聽已歇併纒看還沉
無爲溟弗食惻惻起歎音一瓢樂未改庶幾回也心

鹿園懷古

周詩

吳甸邈千載鹿園空遺名落日弔往迹野草秋參橫
霸圖宵何許慘澹浮雲生越豔蠱心臆焚哉城國傾
伍員抱忠死宇宙爲吞聲英風薄江滸激浪懸不平

常嘉志
言則
嗟余有深慨
竚立涕泗盈

題沈啓南畫虞山致道觀昭明手植三檜初名

七星檜

王世貞

白雲團虞山有七蒼虬舞云當梁初代昭明讀書所
雖干乾坤庇寔飽冰霜苦其四托狐鳴帝遣六丁取
存類矍圃三去殺秦封五宋人雅好事往往爲之補
頡頏若昆季厥始實孫祖隆準理固當小巫氣終阻
昨余游真宮脫冠憇其下曰落長風來颯然精靈語
及乎微月上修鱗森欲吐沈翁長康流爲檜傳世譜
不欲令漢傑輕與噲等伍尺楮移秋山真宰在阿堵
蓬牕一展看森陰洗煩暑何必稱七星三星亦自古

黃給事鉞

前人

叔揚踐華省食貧無異操奮爲墨叢舉匪以弓旌招
借箸畫勤王湛淵報久要形泯神自王松柏蒼然喬
魚開封侃

前人

魚侯治雄都會吏洗逆跡中歲賦歸歎妻子猶菜色
雖垂清泌樂終守西山則人事良可悲天心竟焉極
趙太史用賢

前人

天地有完氣汝師乃鍾之苦心為人綱九鼎係一絲
杜門從耕牧歆然不矜持順風禮空同再拜稱天師
偃仰思立言餘工猶下帷百子雜毫端弭節為我馳
竊窺中興象在起八代衰

天師謂曇陽子也

瞿太學汝稷

前人

瞿生狀眇小氣雄三軍帥有志必自酬無鋒可令避
合掌西竺言興文遂餘事禪那有四病宗門無一字
却門阿難陀恐為博聞累

中秋日偕徐山人登北山天潭

張文元

清秋氣始肅逶迤陟巖谷久痲谿絕踪茲遊繩曩躡
攀躋逗仄徑青峰極遐目撫景閱代謝感逝澗流倏
夷猶松石間天青白日煜山家桂之樹花茸颺芬馥
旅鴈翔雲空阡陌稻梁足萬物生殖滋志士每育鞠
考槃思巖棲寥廓固所欲惟君素心者幽跡冀相逐
周山人招飲大石避暑

孫七政

良辰策高駕邀我入雲山縱目飛霞上洗耳清風前
朱景蔭茂樹綠蘿垂寒泉黃鳥懷好音佳人思翩翩
但飲河朔酒詎識區中緣阮生慟窮途稽子樂長年

常哀志
曠代奮達節高言諒難宜欲抵重淵壁且聽若阿絃
三月三日同化之弟子芳遊吾谷 前人

芳辰結勝侶岩畔紉春蘭修竹迷崇嶺飛花映遠巒
披襟尋窈窕引掌汎汎瀾流鶯奏奇弄遊妓擁歸鞍
同心拾瑤草屏跡投文竿貢禹千秋上空拂漢廷冠

秋日遊吾谷

前人

白露朝爲霜秋風始淒厲客子懷征途登高寫憂思
谿谷絕氛埃河漢肅澄霽陰苔激悲響鳴蛩咽寒氣
衆條無芳柯孤鶴有哀唳蕭蕭歲將晏江臯戒蘭柅
一覽山川道心旌各搥曳翩翩黃鵠遊悠悠千里意
眷彼中林人贈之以幽蕙

題竹泉精舍贈王徵君

王同祖

道人隱淪客尚友羲皇前遺容戀丹壑玄覽窺瑤編
矯迹厲冰雪抗志貫雲天綺靡絕流俗塵心無渝遷
巢居托高潔坐聽竹下泉瀟灑青琅玕凡卉難爲研
嶰谷雙鸞凰凌虛恣翩翩岷峨入江流萬里濤氣連
邈哉箕穎徒洗耳空懷賢虞丘鬱崔嵬三山接飛煙
蒼筠被崇麓幽溜溢澄淵曠情事冥栖日夕聊晤言

清芬蕩岩穴終古期焦先

寄陳琴溪翰林

丁奉

綿思熱中腸戚戚坐幽素我本濩落人懷君匪榮慕
皦皦玉堂英詞場耀芳步清文炳奎斗貞語鏗韶護
歡盼杳難期况景颯朝露灑灑湖邊庄娟娟山側路
訖云室是遠一水駛將渡華觴映頽頽何時集良晤
待子登天行欲贈河東賦

贈檜谷山人張仲先

有序

俞允文

予托交仲先五十餘年今契濶曠若異世頃仲

子篁濱見過輒申章見情殊不盡于詞也

仲先實清邁博綜淹學術事與俗中違趣隨雲上逸
浪跡追曩詰遷徙無安室開懷能長吟傾貲振時亟
植體偶孤影閉戶甘永日兀榻自摩掌臆澤渝髹漆
寒釜卽烹茗嫩篋惟散佚慕類情屢殷傷年涕頻出
爲行良已獨不堪豈但七既往每可觀當年詎非室
寒予抱茲愆同途嗟共失遙懷疊短札委曲將何述
曷月副饑渴道舊還促膝

贈南雄郡守李而進

文安之子

王世貞

爾父南宮老尊爲帝者師向來麟閣重况有鳳毛奇
難弟曾雙戟中年暫一麾累朝懸賜履萬里借褰帷
庾嶺熊軒過凌江雀舫移宦資裝石見心事買山知
喬木風霜古漁樵日月私浮雲迴意氣流水瑩鬚眉
學稼興時早看花散每遲不須求大藥卽此是僊資
五言律詩

常熟西郊一首

王禘

稻禾歛嘉實蘭蕙摧孤芳華滋日已歇游于多慨慷
林臯集鳥雀吠吠散牛羊物情各有適心與歸雲翔

仲雍墓

周霞賓

虞墓東山頂岐周萬國西人皆憐伯仲心實似夷齊
海水龍無管蠻花鳥自啼寂寥懷古意文俛見遺黎
游興福寺破龍澗

王同祖

破龍迴絕磴靈鷲倚修林紺宇烟霞靜蒼崖松柏深
虛無侵海色去住引禪心日夕山風冷幽禽空好音

集虞山三元堂

周詩

招侶尋幽境移尊款夕曛竹林人避暑蘿壁鳥啼雲
山氣僊臺合松陰墊席分玄心從此會歸思莫氣氤

夏日謁巫咸祠

周詩

昔賢靈安地窈窕翠微間
炎斷林中壁寒生池上山
仙壇雙鳥下闕殿一雲還
長日棲遲與前岡待月攀

次梁大尹破山寺和常建韻

丁奉

古寺神仙窟烟花隔上林
窓含松檜暝徑轉薜蘿深
落照占山額騰霞動海心
沉酣歸夜永城柝靜無音

其二

履跡留佳境盃光照上林
雲添風色秀雨積澗痕深
寒翠清几骨蕭梢慘獨心
橫空有孤鶴疑是我知音

謁仲雍墓

黃省曾

荒原尋古墓松檜易凋
幽借問臨諸夏何如此一丘
衣冠開國俗俎豆繼春秋
千載懷清德彷彿過客留

登達觀亭

前人

絕嶂危亭構言登四囑開
村疇千拱帶邑水七盤迴
雲氣將山至秋光挈海來
况看壺嶂邈應可問銀臺

拂水巖

前人

水碧迴空沸泉香出壑微雲中含作雨日裏映成珠
遠潤龍芝草輕沾杜若衣本從銀漢落故作戀河飛
宴虞山來雲閣答鄧子文度一首 前人

鄧子儒林秀婆娑六藝場定居文學傳奚忝子游鄉
古樹藏雲暗空壇抱月涼逢君十年外樽酒意偏長
李公懋命舟借王履吉文壽承休承家兄得之

再遊拂水巖

前人

振策凌丹壑珠琲散紫氛翠嵐浮峻日瑤髓下層雲

楊借蒼崖臥琴將玉澗聞萬重湖樹迴杯酒接氤氳

詠虞山倒影

皇甫汈

今夜看山色翻從一水中溪嵐乘月吐巖翠合雲空
波淨明葭蒹沙寒落鴈鴻臨杯挹仙檜星影亂芳叢
虞山遇陸一吳二同泛因登絕頂 前人

共愜山中想俱來水上逢尋溪迷萬轉攀壑隱千重
雲氣流巖竹泉聲落磴松窮探不惜暝還陟最高峯

桃源澗晚眺

周詩

松逕千迴入桃源一澗分重林全蔽日複磴半棲雲

常真志
言與
幽興杯中冷僊音笛裏聞歸鶴催夕景山氣奈氤氳
維摩寺同華陽中泉寓目
前人

白雲藏古寺鍾磬出東林殿覆千年樹臺封百尺陰
一燈懸慧照片月見禪心願受維摩戒空山理梵音
寶嚴灣昔從先君春谷翁同趙絃川採黃棟于
此四十餘年矣茲同小川再過而其寺已爲邑
民所據覽今懷昔不覺有人琴之感遂紀諸短
篇
前人

挂席汎清谿巖中訪道棲雲龕新眺改蘿逕舊遊迷
廢寺無僧定荒林有鳥啼傷心懷往事落日重含悽
過子游虞仲祠
王世貞

一代言文學千秋虞逸民列星垂氣象滄海紉經綸
太上有立德其先不辱身遐哉不可見吾請事斯人
王令招游虞山南軒遠眺
前人

憑軒此高眺眼底意蒼然一氣千江合孤踪萬象先
席移將墜石琴起欲飛泉不分王明府能分勝地專
同諸君汎虞山下二首
前人

不盡青山色維舟雨後看閒雲流几上飛瀑散林端

游女千花暝狂歌萬竹寒未須疑酒盞吾豈任衣冠

又

前人

鼓柁江南徧茲游頗更雄天疑破柱剎山似逐推蓬
吹笛泉聲外披襟雨色中前溪正宛轉不必念途窮

遊興福寺歸途卽事

錢籍

古寺登臨罷肩輿下翠微山僧携鉢上樵子負薪歸
暝雀喧凋葉寒鴉度夕暉獨憐遊客興猶逐野雲飛

遊興福寺

楊儀

爲愛禪林好時來坐夕曛幽禽喧敗屋古木墮寒雲

細讀逍遙論清談怪石文步兵長嘯罷鼓吹半山聞

桃源澗

沈應魁

桃花春寂寂澗水碧潏潏曲徑無人處疎流斷復連
寒飛空外雨暗拂嶺頭煙此日非秦世猶棲跨鶴仙

經東湖錢工部廢宅

陳儒

昔過揚雄宅時逢問字船人文今落落草色自芊芊
牧豎遊荒樹歸鴉噪暮田興衰百年事嘆息黍離篇

秋日汎舟過朗城菴

嚴訥

孤舟興不淺日暮浮芳塘撫景自斟酌擊榜歌滄浪

常新志
詩具
十三
秋水連天碧清風傳桂香渚鷗閒自得狎我爲翱翔
雨後桃源澗觀泉次韻二首
陳贄

虹斂空山雨龍縈曲澗吟響隨風樹遠氣接海濤深
一片煙霞地百年泉石心空林歸客散幽徑落寒砧

又

不減東山興相將倚樹吟雨餘蒼蘚合泉落白雲深
數部空中吹三杯物外心坐來衣欲濕歸路暮聞砧

孫將軍招飲大石山房

孫七政

海畔春陰結山家暮靄凝步兵留醉處長嘯有孫登

汲石分仙礪然爐借佛燈時平多勝事乘興卽携朋

泛尚湖

前人

暮雨清溪上寒江橫數峯孤舟沂煙水幾處落芙蓉
但覺滄浪遠都忘綠酒濃漁郎休問姓全是海鷗蹤

藤溪待月

前人

暝色煙際深寒梅斂清影幽客澹忘歸愛此山中靜
深夜開衙門峯頭月華冷感彼太古魄常照中林景
同梓堂鄧虛巖周方溪陳三先生於東塔禪院

觀休公六羅漢像

改定少時作

前人

常嘉志 言具
果證三千外圖傳五代前幻塵週歷劫清淨獨諸天
定久彫琪樹心空現碧蓮何殊虎頭筆開室滿雲煙

晦日同皇甫司勳遊拂水禪院

前人

放達得真賞風流多逸才春邀仙子佩夜向法王臺
雲磬杯前落曇花曲畔開但教玄度在明月不須來

雨中探桃花澗

前人

二月飛華急相將谷口尋仙源雲外杳春色雨中深
碧海疑煙駕青山堪陸沉何年芳草路不負向平心
三月三日雨後登大石別莫廷韓得雲字

結客中林伴尋芳曲水濱衆山留暮雨孤壁斷春雲
藉草飛英遍探泉小洞分不堪王逸少今日惜離羣

春日遊破山遇雨

前人

春遊不覺遠幽勝轉無涯雨送一峯磬雲埋半壑花
暗芳遙更識空翠濕還賒歸處渾迷徑翻疑洞口家
五言絕句

拂水巖

李傑

六月西巖上南風拂石湍無雲何處雨灑面作輕寒

題七星壇古檜

陳儒

常山志 詩集 一五
黛色凌璇漢喬枝出盡官平津風雨後萬里見飛龍
經頂山廢寺 孫七政

山寺寂無僧空門白雲冷惟有寒梅枝悠然照潭影

坐瑞石泉上

前人

泠泠水聲中松風汎寒雨借問峯頭雲泉自何年許

中峯石潭

前人

潭影落空山孤雲碎寒碧誰知桃花源可比青蓮色

六言律詩

尚湖卽事和高季迪太史韻

丁奉

細草香時蝶舞平波動處魚跳渡客行僧日暮歸雲
去鳥天遙映水明霞似火乘風急浪如潮游泳須臾
百里扁舟短劔長簫

其二

繞澤雲間似我對溪山禿如僧住宅碧筠黃樹生涯
白藕紅菱午市歸農負簷夜隣返棹呼燈釣弋俱當
此境野翁靡所不能

七言古詩

寄題虞山七星檜

李廷相

虞山山高靈異多山頭時有僊人過蕭梁羽士張道
裕食霞辟穀開茅窩手栽七檜象北斗龍蟠虬屈交
相摩道人僊去神不滅倏忽千載纏烟蘿精神上與
元氣接風雨為培鬼為訶復有神丹闕古井紅光夜
夜騰巖阿於戲七檜世豈有山河或變紅塵走乃知
僊家別有傳何時為爾一回首

經尚湖望虞山

沈周

日午放船湖上頭虞山隨船走不休高雲仰見出翠
壑飛影下接滄波流青林人家隱山麓雞鳴犬吠聞
中洲鷓鴣羣栖竹葉暗蜻蜓特立荷花秋蓮歌漁唱
尚互荅落景在樹猶堪遊小舟爭渡各先去獨逆風
波渾不憂

古檜歌寄孫君小川

周詩

君不見虞山之麓有古檜栽培來自蕭梁世戍削唯
滋日月華碓盤欲起風雷勢鼉驚鯨怒互凌遽虬突
龍驤共虧蔽霞暮雲曠赤日陰流飈激蕩夫魍魅秀
色千齡靡改易清都定有神祇衛孔陵柏秦封松拔
俗遐標豈殊裔海虞秦岱邈千里會有精靈自攸契

紛紛樛櫟遍寰宇雖有鄧林亦何取古來勝槩誇江
左恠絕于茲更誰伍登攀賢達知幾許滄海桑田總
塵土何如此檜有仙骨逍遙甲子任倫忽每逢冰雪
但蒼然屈蠹虬枝轉冥密君不見天生神物天之意
往往神物天所祕七株斗列千層霄四株已作龍化
去迴翔寥廓幾春秋逐電驅霖不知處吁嗟龍化竟
何年令人四顧空茫然我生夙有林壑緣探竒憇此
心獨玄金宮銀榜橫紫煙芳荃白石堪醉眠結交每
作河朔飲嵇樽畢甕常流連那堪對此草爲別衡紀
推遷無緩節已看凋落桐上華復聽寒蟬鳴不歇景
移物換須臾間悲咤因之心欲折殷勤勸我山中人
徒有離懷不可說何當遂戒江邊艫還向瑤壇共浴
越琳琅一奏古檜歌迴薄青天萬古月遺音激石石
欲裂鬼神怖慄更愁絕馭香億萬年歌與古檜同不
滅歌與古檜同不滅

春日過沈冲玄丹井

孫七政

臘月霰雪春未變江南春色今年晏二月東風吹不
暖柳條含綠芳草短惟有仙家春自深梅花樹樹發

常嘉志
詩集
深林落英時度丹竈側飛香暗結幽人心仙家有酒
春未熟西隣一斗勝醞醪結客攀蘿招隱來花前舉
酒更相屬君不見商雒山中採芝叟身世悠悠名不
朽函谷關頭幾戰場白雲一片天相久又不見天台
羽客若可逢桃花千樹長春風此中瑤草不易得淦
之霞舉凌鴻濛何爲折節摧眉在人世吞腥啄腐將
何窮一盃若在手天地皆爲空今年花旣落明歲花
復紅青山不誤白髮叟紅塵可鑠黃金容君不信子
晉緱山騎鶴去試聽吹笙夜月中

登虞山絕頂

周忱

晴登孤嶂俯郊原指點東吳遠近村齊女廟荒枯樹
老言游祠古斷碑存一泓白水通湖口數點蒼山近
海門此地舊傳多勝跡重來期與故人論

尚湖

張洪

嫋嫋秋風起白波維舟無奈客愁何江湖蒲地人來
少蒲葦連天鴈去多咫尺不遑安信宿百年能得幾
經過自憐舊日嬉遊處都被農家插晚禾

佛水巖

沈周

只有看山是勝緣青鞋布襪且輕便天收雨脚餘今日我趁花時遣老年絕壁雲扶將墮石豁崖風勒下奔泉此來不憤空歸去旋構新篇棟竹鐫

福山

李傑

九日携壺上釜峯海天萬里淨秋容百年幾度尋清樂廿載重來認舊蹤漠漠水雲開復合離離霜樹淡還濃當時老衲今何在窻下依然偃一松

登虞山南軒

王鼎

闕盡人關驚畫圖眼中未獲此雙湖舟驚濁浪排空起客散清猿入夜呼白鶴飛來化仙觀紫煙生處見香爐山靈似與馮夷語暮釣晨樵欠一夫

維摩寺

錢仁夫

蔓草芊芊沒寺門牆根殘刻已無文敗簷尤滴夜來雨高樹尚屯窻外雲佳境故容僧管領禪床時許客來分傳呼且莫穿空谷下有松間飲鹿羣

朗吟亭聽松詩

前人

行入琳宮兩目醒風流誰復數蘭亭世間樂事不常

常教志 詩賦
有物外清音信可聽把酒重來三月暮出門一笑數
峯青道人自是浮丘伯我欲親傳相鶴經

大慈寺

楊子器

朝來騎馬入禪關萬頃滄江指顧間芳草青青春雨
歇長松落落暮雲閒仙家誰道無蓬島塵海人言有
福山分付老僧休出院居然北往又南還

又

徐澗

上方突兀擁層樓竹影扶疎曲逕幽花柳年年幾春
事乾坤日日此江流半窻月色中宵夢千里鄉心兩

地秋撫景只應開口笑牛山何必淚盈眸

遊鷲山寺用壁間韻

徐恪

香刹深藏紫翠坳岩亭長見薜蘿交翻經葉上蟲書
字掛衲枝頭鳥寄巢誰似金山留賜帶先參玉板向
齋庖日斜茶臼林間響疑是松門過客敲

同華陽小川中泉小憇拂水巖

周詩

招携同憇翠厓顛肆睇春光興眇然秀野平臨千嶂
日清谿曲抱萬林煙泉聲常遶嵇琴外草色偏深謝
屐邊莫訝當歌更惆悵風流異代幾人傳

同瞿昆湖諸君復登拂水

前人

勝境窺臨迥不羣與君物外接殷勤飛流百尺披晴
雪石壁千尋疊暮雲黛色浮空山窈窕煙光入望樹
氤氳懸崖列藉芳辰興極目長湖送落暉

和周山人以言遊拂水

錢籍

拂水危巖接海濱爽空晴旭亦氤氳流泉解作迴風
雨破岫能留護石雲坐日客衣常半濕占山僧界每
平分夷猶未盡登臨興笑擲金卮餞落暉

春曉登虞山絕頂

桑琳悅之

金鳥颺彩上扶桑萬鼓雷聲發曙光帝座星辰天北
極神僊樓閣海中央九重還返黃金液三嘯徐收白
玉漿便欲乘風駕黃鶴鬱羅臺上禮虛皇

月夜登烏目峯

前人

憑虛直上最高峯銀漢無聲露氣濃萬國山河明有
月四山松檜靜無風吹笙便欲招黃鶴過海還須駕
玉虹醉吸素華餐沆瀣此身如在水晶宮

遊致道觀

前人

洞天福地世應稀樓閣凌空勢欲飛檜遶石壇星布
列茶分丹井水甘肥虹光曉護黃金鼎雨氣涼侵白
芡衣夜半羽仙秋離罷月中吹得玉笙歸
已上三律俱鶴溪先生逸詩舊無刻

題顧山山茶

顧鼎臣

造化厚培何代物崔嵬直共佛樓高柯如蜀相祠前
栢花似劉郎觀裏桃壺榼尚期他日往斧斤聞說有
人操叮嚀地主勤呵護莫遣靈根恨所遭

福山新城題卷贈澤山馮父母

錢籍

高城雄亘釜山隈表裏關河亦壯哉東壓島夷三楚
隔西分星漢九天開風濤揮霍金爲鍵日月迴旋玉
作臺海外于今稱有截論功何愧列三台

白龍祠

陳儒

鬱岩宮殿翠微連會見飛桃帶雨還玄氣一天山走
石陰雲萬里澗奔泉當時瑞應占游沼到處文明仰
在田莫謂神功都可斂秋風簫鼓慶豐年

寇退

前人

報道鯨鯢窟海濱從教宵柝靜重闔相安共訝巢梁

燕轉計猶疑厝火薪四野禾麻旋有主千家雞犬半
無隣祇今誰是監門吏爲繪新圖獻紫宸

送瞿師道太史使大梁周府

王世貞

長安草色上鳴珂繁吹春調四牡歌太史授圭開赤
社宗藩如帶指黃河天邊漢節蛟龍擾雪後梁園鴻
鴈多上客知君頻授簡鄒枚詞賦未應過

師道兼直外制賦此寄之

前人

十載揚雄賦已奇始來西掖拜恩時銅扉夜色宣麻
早閣道春陰視草遲賜沐不言溫室樹栽篇空憶上

林枝山東父老須臾在漢詔還應下赤墀

寄陳太常廷裸

前人

帝念先朝折檻郎徵書賀色動明光還將白簡酬青
瑣不厭清齋守太常天峻容臺多日月夜嚴宣室傍
星霜未須論到波臣事推案看山也自強

送常熟程正伯由唐縣尹改同山陰教事程先

在餘姚

王世懋

兩度談經也自尊蕭然垂橐去中原南陽父老思遺
澤越絕諸生識舊恩刻曲興來舟莫返蘭亭人去事

猶存知君不薄青瑣意竹箭于今半在門

同徐司理茂吳登昭明讀書臺得十一真

孫七政

翠微初霽夕陽新梁日荒臺尚未湮秀色但餘書帶
草虛濤若有誦弦人王喬嶺上何時返虞仲山中幾
度春莫向雲深招帝子秣陵遺事不堪論

春後陪徐大滌沈嘉則訪禹錫侄藤溪山居卽

事得遊字

前人

興僻烟霞猿鶴愁山花飛盡日冥搜初疑谷轉通仙
路翻訝雲深悞客遊翠佩不遺人獨杳洞簫何處水
空流若非嵇阮能招隱那識孫登澗壑幽

七言絕句

巫咸山

王賓

舊說巫咸已上天楚人歌裡亦千年相傳住處今何
在一座青山縣郭邊

題洗梧園

劉溥

歌舞當年恣逸遊不知何物是閑愁如今桐樹無人
洗風雨空山幾度秋

狀元陸君讀書臺

鄒武

松窗蘿幔傍巖開
山鬼時聞夜誦來
舊日風光幾銷歇
青雲猶繞讀書臺

鎮城

朱召

近市澄湖似掌平
高原膾膾雜農耕
只今霸習都消歇
尤有遺人說劍城

拂水雪巖

錢籍

曉來飛雪滿千山
人在懸崖斷壑間
十里平湖詩思絕
攀蘿側耳聽潺湲

登奚浦望江樓有感

錢詔

詩在江樓待碧紗
世家江上若天涯
招提莫說興亡事
古木前頭幾樹花

小川移酒登昭明讀書臺

周詩

窈窕仙宮石徑開
一樽頗與故人來
梁王簪組俱銷歇
蒼檜空餘太子臺

七檜壇夜集

前人

萬丈丹梯碧霧開
山人採藥躡雲來
石壇夜坐千岩月
天上時聞笙鶴迴

常嘉志
言與
三五
大石山房同陳方溪聽鼓茶泉

前人

石畔泠泠度好音與君箕踞聽來深塵埃不起人間
慮始識寒泉能洗心

倭寇

前人

誰堪江國火雲流六月登城萬戶愁南土翻爲沙漠
地戈鋌日日類防秋

又

前人

深村遠落蕩無存滿目傷殘有斷魂四野蕭條生燐
火萬家兒女哭黃昏

夜宿芝川有感

陳儒

十年書劍又芝川水白沙明月滿船愧殺江梅迓相
識布衾和淚只愁眠

七檜寒青

前人

龍盤鳳翥拱虛皇帶得蕭森雨後蒼最是夜深明月
上空壇笑語自生香

西湖秋碧

前人

平湖如鏡麗秋空宵渺銀河一道通聞說溪邊有奇
觀風雲接地起蟠龍

梁臺夜月

前人

曲磴高松太子臺瑤華千卷昔曾開
蒲山涼月風在樹疑有書聲天外來

殿橋春霽

前人

參差古殿映朝暎湖外煙光遠見村
昨夜橋邊春雨足雙魚飛破落花痕

弔虞山古松二首

前人

落落長松獻歲華琳官岩鬱瑣青霞
可憐漫作樵蘇計不及尋常百姓家

其二

前人

伐木徒然起衆誼楚山從古怨亡猿
傷情最是三更月俛仰清光無卧蜒

春日遊三元道院

孫七政

山院桃花映碧流何當仙侶共探幽
雖無石髓留人少自有鶯啼駐客遊

其二

前人

千壑松風萬壑春飛花撲面舞沾巾
此中莫厭仙源杳芳草從來不誤人

遊興福禪院

前人

南朝廢寺石梁前寂寂松聲夜月圓萬壑雲深人不
到一龕燈影照寒禪

月夜扣中峯禪室

前人

欲問梅花下翠微停舟閒扣白雲扉老僧自卧春山
月惟有疎松影客衣

益齋少叅雪夜見過小飲微哦因次東坡清
心堂韻賦古風一章

沈 冕

石畔俱粘沙胡止蜜蜂休兩衙寒風勒雪闢明
山不敢收瓊花故人十倍王猷興夜深直抵山
山人正爾坐幽獨吟聳雙肩如病鴉茅堂一哄
燈燭有徵先吐葩小兒藝炭事煎點予意所
生茶謀諸室婦取大瓮三載泥封牢可搗酒酣
援禁例脫去穢腐如搜爬澁詞苦語不適口請
蒞聊咄嗟詩成天曉欲別去再酌巨羅添臉霞

觀拂水

沈 冕

奔泉赴壑勢絕雄萬古青天飛白虹
璫花散落幾千斛水簾倒拂迴崖風
山人唵嘯泉之側氣壓長松二千尺
月上松梢鶴未還碧雲散盡三台石
匡廬瀑布銀河垂康王水簾名亦竒
天然此派匹三絕我欲醉和香爐詩

石丘山人幽棲衡門謝迹城府所著止窩集可稱詩林絕唱而刻本罕傳今得古風二章梓之亦一快也 見詩話中

養疴白雀寺寄王元肅

王 寵

王子元肅有精廬在虞山去白雀不數里緘書報之不在返棹悵然寄以長句

昨來棲卧虞山雲撫枕中宵苦憶君荒涼白雀古蕭寺鐘聲呪梵空林聞朝雲吐吞蛟虜氣旭日澗潑波濤文佛樓岌業列峰抱海甸蒼莽孤村分揀花風動雪乍卷麥秋氣爽天無氛緘書報君君不遇孤凰躑躅求其羣聞君山中有精舍面勢正直蓮峰下脩篁萬挺球玉鳴懸泉百道飛龍挂房廊窈窕閑且清花

木瓊瓏秀而野清風澹蕩堪揮塵白日陰森可銷夏
此中與爾靜談玄快讀數過道遙篇林間飽啜蒼耳
飯石上一枕青苔眠不知塵網在何處翩翩自謂瑤
臺仙差池萬事總難料振衣欲往空茫然我今暫過
越來溪抱甕山中還濯畦秋高更禮虞峰頂期爾縱
躡青雲梯

嘉靖癸巳四月
書下白雀行窩

贈王竹泉

吳中英

我昔訪古登虞山褰衣直指玄都壇是時秋高天氣
肅毛骨灑灑仙風寒好奇常念二三子狂搜險覓窮

林巒日斜始到拂水下一咲未足幾十盤至今曾際
有遺恨昭明書臺蔓草漫當時地主欠好事爲我指
點良非難歸來始聞竹泉叟山中築室餐琅玕龍泓
豹谷隱雲霧矯矯蒼雪洄清湍無端歲月六屈指渴
心丹井思汎瀾青厓碧巖想不到時有夢寐飛嶺岈
鳳雛曾向鶴林見五色照耀青雲端竹邪泉邪在何
許皎皎空谷聞歌蘭青春浩蕩眼中見吾將入海投
鰲竿何時一訪子晉嶺共乘明月驂青鸞

長短句

月下琴行

楊儀

銅龍水滴春夜長
明月悄悄窺西堂
飲茗讀罷招魂章
持爐添火燒沉香
瑤琴脫却紫綺囊
玉軫拂拭生輝光
舉手一撥生琅琅
宮商角徵相低昂
清如瑤臺老鶴唳
松霜和如高岡彩鳳鳴
朝陽適如漁父濯足
歌滄浪
怨如昭君馬上蹄
紅粧輕如落花飛絮
春茫
茫重如六丁雷斧
摧扶桑
緩如漁籟
細水流春塘
急如狂風捲海波
濤揚
悄然彈罷倚繩床
千思萬慮都消忘
不聞人語喧東墻
滿庭簌簌飛寒霜
廣寒一曲

嘆已亡至今彈者怨
祗康我今欲換流水腔
知音人在天南方
不如收拾天將旦
水雲林下尋王郎

王郎者王叅政鼎之子也
名訪字道善號古樵與
五川先生爲詩友
其倡酬諸篇多膾炙人口
以無閑色乘不錄
惟月下琴行一章久已流傳人間
今再刻之亦詞林一快

一字至十字體自詠小樓

丁奉

樓樓苟美頗幽
傍嘉木占芳陬
一梯夷坦半榻優游
庖近壺觴便窓清
翰墨稠可信庾公
開興從知王粲

銷憂數級上超遷塵跡四時中
騁豁吟眸檻外遭圍棟梁宅第
欄前掩映花竹林丘隱几處青
山浮雲古塔捲簾時綠水亂鳥
扁舟總似岳陽安得希文再記
雖非黃鶴豈無崔顥重遊

七言律詩

贈貽穀楊兄

名福

黃鉞

鉞少與貽穀楊兄同事筆硯探討古今風晨月
夕靡不相俱兄才德十倍于鉞而不樂仕進故
前後與鉞聯名而辟于縣者三舉于郡者再皆
以痼疾辭免鉞不才叨拜官諫垣詔許歸省
雨中過尋舊游因追談往事瀕別聊賦此以贈
愛子茆堂靜不塵扁舟莫厭往來頻如蘭自覺心
情古似夢還驚歲月新架上經書千軸富窓前花
木一

林春巖陵自是輕台鼎相對慙為獻納臣

弔黃黃門叔楊自投琴河

楊福

江風夜夜鼓洪波江雨朝朝濕薜蘿九辨不回哀郢志三軍難奪採薇歌手披宿草狐踪滿夢轉空梁月影多誰謂百年臣子恨獨聞野老泪滂沱

常熟舟中

王禕

一自歸來東海涯每依北斗望京華才疏謾結交遊廣身遠時驚夢寐賒風雨遍舟今若此功名壯志倍堪嗟故人只在虞山下同看寒梅雪後花

送桑民懌訓導太和一律

李東陽

民懌試春闈以策論語險怪落乙榜時年二十四籍誤以二為六用新例辭不許遂有是命十年三度試春闈親見聲名滿帝畿甲第久慚唐李卻竒才終誤宋劉幾功名歲晚非蓬鬢湖海官貧尚布衣試看孤鷹下林落壯心還向碧天飛

輓蔣侍御子修死杖下

沈周

肝膽都消血食中老夫和淚哭英雄片言禍福人難料一死是非天自公後世茫茫青竹簡高堂咄咄白

頭翁忠魄化作長生樹隴上空號西北風

送趙汝師檢討拜杖削籍南還 沈懋學

莫厭清時見逐臣主恩深處五湖春烟霞耐可丹心
老雪曉驚堪白髮新愧殺虛名成畫虎愁來吾道繼
書麟獨醒未許漁人笑歸去花溪共釣綸

選入館元詩

趙用賢

皇威赫赫耀天兵南指樓船百粵平萬里蠻烟開象
郡三秋海色淨羊城謀謨自協周宣睿嶺徼誰傳漢
武名聖澤于今霑異域凱歌直欲繼堯賡

游大澗

虞山諸澗惟此爲大故名

李傑

清風入壑響楸梧雨過寒泉石面鋪冠蓋齊來僧問
訊管絃一奏鳥驚呼山童舞罷頻行酒豪客吟成霞
擲盧興盡吾先下山去空林日落嘯於菟

山涇道中

李傑

雲開平野露山根潮落寒塘現水痕一樹梅花臨絕
岸三家茆屋自孤村小橋泥滑行人怯苦竹叢深聚
鳥喧故老相期共雞黍扶藜知己候柴門

題大慈寺西南房

寺有錢學士
劉僉憲詩

李傑

五十年餘幾度遊此來風物屬高秋庭前霜葉紅於
染窗外雲山翠欲流佛殿遺規猶晉宋詩家新製有
錢劉老禪杖錫西歸盡獨上叢林望海樓

行虞山道中

李傑

濺濺石溜落幽谿霧重嵐深路欲迷林麓參差青嶂
合茆茨隱現白雲低山花無語迎人笑野鳥多情向
我啼跌坐松根休倦足更扶筇杖過溪西

橫瀝阻舟登岸散步過王氏庄

桑瑾

舟泊蘆汀礙淺沙振衣間步到田家雞啼竹裏農催

寄河陽山秀峰寺月泉僧

王鼎

往歲尋吾水竹邊，不留半偈意茫然。
海門潮上踏野渡，野寺月明何處禪。
蕭郎物故夜碁罷，陶令攢眉秋社閑。
苦憶西風最高頂，萬松逸壑一流泉。

主一齋爲徐都憲公肅賦

吳一鵬

專靜工夫頗自艱，直從束髮到衰顏。
遠交舜禹千年上，默悟程朱一念間。
暗室有天常猛省，靈臺無物本虛閒。
卓哉真得持心法，流俗煩公爲頂頑。

遊鷲山寺和徐主一公韻

吳一鵬

臺殿參差枕澗坳長松落落晚陰交鹿脚細草奔平
野鳥帶殘陽認舊巢騷客漫題留石壁老僧清供出
齋庖五更側耳西風裏聽到寒鍾第幾敲

和李學士韻送賈元善南還

程敏政

元善名宗錫常熟人時爲餘姚令本王姓而初

從賈姓

城東開宴送離人笑語風生滿座春曹父政聲今卓
異右軍詞翰幾清真倡酬句與花爭發去住情隨酒
共親 召命有期登憲府姓名先已達嚴宸

至常熟陳中丞白訓導邀登福山二首

唐順之

春早湖山兩半晴有客邀我觀滄瀛澤國冥冥蒸海
氣石灘淺淺闢江聲日月迴旋一島小金銀色相十
洲明微風向夕送清響應是仙人吹玉笙

久緣迫陋悲時俗海嶠春臨思若何地擁龍蛇爭起
陸天投星斗橫翻波封疆坐覺華夷并候氣嘗看霧
雨多才謝枚生能作賦觀潮恰對曲江阿

題虞山精舍贈陳中丞原習

王同祖

雲卧堂前松滿林紫烟裊裊碧羅深
鳶魚靜渚得真樂猿鶴空山成好音
問道每迂高士駕談玄應見古人心
剡溪輟棹還乘輿滿坐春風鳴玉琴

同沈鈞玄登拂水巖

周詩

晚泊虞山谿水瀆漫凌絕壁但氤氳靈泉寒拂半空
雨仙石危懸一片雲百里峰巒天外合兩湖洲渚鏡
中分招携况值休文輩探歷何辭到夕曛

贈破山寺洪上人

楊儀

尋春過夏事俱寒惟有留題墨未殘
落葉不教潭影

靜閒雲長伴衲衣還吾難求富從吾好汝可將心與

汝安

吾難二句釋家言

三十年餘京國裏家山依舊醉中看

湖橋夜泊

楊儀

捧酒蓬窓月倍輝夜深水竹風微微
野禽背霜忽振衣山果落泉時濺
卮箸住多情能戀我釣絲遣興不
須歸醉來穩作蘆花夢兩兩眠鷗未肯飛

李王官尋羽士一首

丁奉

層松疊竹午冥蒙世鶴樓閣高插半空
行色累年雲影外夢魂連夜鳥聲中
青山佚老憐新况白首遠盟

常景元 言與 三十一
吊舊東更訪丹臺長壽訣雲巔萬仞鬱龍從

歸田自遣

沈應魁

爲憶玄亭問字歸菊開三徑亦芳菲青山綠塹看醒
醉白壁黃金有是非世味祇甘蕁菜飯歲寒常戀芟
荷衣東籬送酒今仍在欲踏谿雲訪釣磯

陳太常兩亭謫官不赴十五年矣精修梵行與

世塵絕 聖主求舊一月三遷勉赴留省之命

聊成二章以抒鄙素

王世貞

言公祠畔水平流楓冷紅飛建業舟一出不教猿鶴
怨千秋重覩鳳凰游清曹總是阿蘭若淨行依然老
比丘見說護持功業就靈山佛會未曾收

其二

羨爾幡然了宿因秣陵秋色引徵輪賜環今日無同
輩請劔當年有直臣此去但修居士業何妨重現宰
官身病夫伎倆消除盡莫向明時及隱淪

游虞山拂水巖

王世貞

厲屐憑車思轉豪側身吟望鬢重搔風巖書灑諸天
雨陰壑寒生萬樹濤行逐漁樵馴野計卧看江海入

字京元
詩賦
三十一
秋毫維摩近有招提在蘇晉如今醉欲逃

其二

鬱盤蒼翠有千株絕頂肩攜興自扶天闢陡崖如擁
劔風迴飛瀑盡含珠山僧偈向巢間發湖妓粧從鏡
裏鋪逢勝便思雲卧穩未須投暝問樵夫

送趙汝師太史賜環入朝

馮時可

秋帆北指別滄溟共喜夔龍履漢庭蒲上飛霜侵五
鹿藜頭燃火走羣靈崢嶸碣石心俱壯睥睨華陽眼
自醒風範坐瞻清輦轂知君不復按青萍

西門發舟咏常熟山

王鼎

地流傳事事幽殿堂都在嶺東頭浮雲北去長天
橫浦西來繞樹流仙子井空猶碧草昭明臺古翳
丘丘英雄不悟興亡夢龍虎爭雄甚日休

與李宗伯二桑別駕聚飲飲罷游別駕東園卽

事賦詩

前人

白闌步屨小園東差見寒梅破小紅相顧誰爲青眼
谷重來已作白頭翁清風蔣徑千竿足晚節香山此
曾同別駕南宮兩清絕野蕭暫廁碧蘭叢

李宗伯西園假山成其峯洞亭池各有名題峯
曰回馬曰鵲頭曰巨人曰漱浪曰夾鏡曰瑞芝
曰朶雲曰楚娥曰獅口曰蓮蕊曰熊耳曰高髻
曰了鬢曰削玉其洞曰屯雲其塢曰譚棊其池
曰涵清其澗曰環碧其亭曰玩芳曰攬秀曰若
笠曰寒翠

前人

回馬峯

玉勒追風日未西前驅尚有幾重溪問渠欲渡頻回
可是臨流惜障泥

蓮蕊峯

異卉奇葩共石巍洞天應訝小蓬萊虛窓不似取瀛
景一朶芙蓉映水開

了鬢峯

劍閣崔嵬壯北關上皇車駕杳難攀三千粉黛隨
巴蜀流落一髮歸島間

涵清池

先生造化羅曾臆自作名山類閱風萬壑千峯清不
斷月明都落此池中

詩凡二十二首今載四首園廢久矣今讀是詩令人有輞川愚溪之想

錢裕軒西園漫興

裕軒名承德

前人

池上平臺竹裡亭一回來此一關情願塔喬木千平翠招得黃鸝曉夜鳴

蓬壺真境天台路絕勝王維畫裡傳江上何曾有魚鳥山中不解聽流泉

亭臺高出白雲隈登眺疑從洞府來薄暮雨餘人盡散獨殘斜日照莓苔

錢氏園亦廢久矣

虞山尚湖之間平疇僅方里山屏其後水經其前

俗曰湖田其東西兩江則山湖之水合流處依

兩江以居者茅屋參差鷄犬相接別有天地非

人間也過而樂之得絕句十首 邵圭潔

竹橋郊屋自成村妻子歡呼共瓦盆渡口流花引舟

入此中亦自有桃源 其一

賣魚小艇隔溪歸溪上家家放竹扉拍手兒童笑相

報曉來新得紫鱸肥 其二

荷花十里起香風雲白天青一鏡中遊人忽覺是歌

去無數鴛鴦起綠叢 其三

湖頭已覺無城市湖心併覺失山形秋澤雲孤身飛

絕天西一帶紫螺文 其四 餘不能盡載

秋日湖庄漫興

王嘉謀 邑人號水簾

淡雲疎日弄晴陰山翠湖光眼界清不必西風吹葉
下一群旅鴈即秋聲

秦坡澗憶友

前人

泉飛瀑布半空雨影落疎松滿座雲聞道山陰最幽
勝臨風把酒一思君

皇明常熟縣文獻志卷十八

邑人管一德士恒編次

詩話逸編

國初錢甦字更生號謙齋銳志濂洛關閩之學嘗作
心字詩有體段包天地虛靈亘古今敬持歸賢聖
形後乃獸禽之句詠河圖則曰一二三四各方列
六七八九外與俱五象夾十同中居或實或虛符
洛書又和劉原善詩云無極而太極動靜兩儀生
賦諸人物間乃有性道名貴賤殊偏正智慧分濁

清聖人因立教萬類同休明諸作多類此後以事
繫獄 高皇帝釋之因撰祭元幼王文稱 旨詔
擢用以老疾辭歸事見前志

吳文恪公訥送外孫錢昕一絕句云阿昕今已赴科
場南北奔馳日夜忙昔日曾聞先輩語一憑陰德
二文章蓋惡昕父多行不法作此以戒之後昕登
第謁見公命執掃除以折其少年英氣先輩愛人
以德如此

吳文恪巡按貴州回三司遣人追送以金卻不受題

詩其上云蕭蕭行李向東還云云見志後為南臺

都御史而大理少卿楊復在京甚貧家畜一豕密

邇廳事文恪拒之楊戲作小詩送云太平堤下後

湖邊不是君家祖上田數點浮萍容不得如何肚

裏好撐船諺云宰相肚裏好撐船

章志菴珪為御史多所彈劾後權貴忌之罷歸京師

士大夫以宋人贈唐子方去國一身輕似葉高名

千古重如山之句分韻賦詩送之不數年珪諸子

俱登第為京朝官同處一邸因書一聯于壁云四

壁金花春宴罷滿床牙笏早朝歸人多羨之

李文安公傑五歲時夜坐庭中從兄指紫薇星令屬對卽應曰黃道日後登第入館選試禁苑聞鶯其結句云君王厭聽如簧語莫向金門弄晚風人多傳之又公在位時有錢生某者以貲得職銜特求贈章公援筆書于軸曰來時尚着儒生服歸去俄乘使者車唾手功名如此易白頭才子動長吁人亦傳之

文安正色立朝清風勁節其居官居家贈以詩者不少惟丁南湖奉五言排律李白輪迴出仍爲翰苑英七旬遭世盛四紀歷官清日講匡三主星移閱兩京冢卿銓法慎宗伯禮儀成執法違權倖知機謝寵榮云云此語殆是實錄

文安家居日所與酌酒賦詩者惟王銘菴鼎狄秋林雲漢二桑別駕淪齋瑾檢齋瑜故銘菴有詩云別駕南宮兩清絕野蕭暫厠碧蘭叢又構西園及霽景樓與士大夫題咏不絕

桑民懌悅遷長沙通判鬱鬱不得志乃作吊湘纍賈

生賦以自况今人多傳誦之再調柳州通判益侘
傖無聊因作詩有鷓鴣道我行不得杜宇勸人歸
去休之句又云投荒此日無言語不與宗元競柳
州雖未弘曠而旨趣亦悲切

湯克難琛敏悟絕人詩亦妍麗有富室魏姓者家園
牡丹盛開招客宴賞湯居首席而次則郡詩人張
豫源淮兩公卽席俱用僧明本梅花詩神真人塵
春一韻各成百咏于一日之間真騷壇盛事後湯
公百咏其孫憲副繼文刻之至今人傳誦焉所謂
魏姓者名祐以貢得中書再遷主事京師所稱銀
主事者也

錢允言昌嘗賦崑山方槐庭詩有托根堂下無麕觸
積翠庭前有鯉趨之句又壽詩云蓬島有天紅日
近槐庭無暑綠雲稠蓋皆學晚唐而得其肯綮者
太常卿方鵬最愛之選入集中

錢五峯承德藏文信公遺墨一卷中有家書三詩因
題其卷云北風吹南冠行行一匏瓜作書謝骨肉
涕淚分交加此行已忘身此書又忘家身家計兩

忘未忘者何耶至哉君與臣大哉夷與華片紙今
又灰浩嘆天無涯此卷舊傳陳原錫家久之爲錢
允言所得因傳其子五峯今亦散佚不傳

錢東湖仁夫風流詞翰籍甚一時自稱飽飫墨而醉
揮毫長如扛而巨如椽然惟詞翰乃佳耳所著水
部詩曆不脫學究氣嘗見人家專求風水戲作一
絕云尋山本不爲親謀大半多因富貴求肯信人
間好風水山頭不在在心頭此語切中世俗之病
亦足破世俗之惑

丁南湖奉詩集已多人志中嘗自題南湖圖而沈石
田繪之亦足爲丁氏世珍又自號僅菴因爲僅菴
叟行中有四韻云有官若馮唐遨遊士夫林不慕
主父偃食鼎還烹鷺有家若魯望薄田繞湖潯不
慕董仲穎燃臍散黃金此語亦是實錄又湖南富
室譚某巧于取利蓄于養生而以無子傾散其貲
南湖爲之語曰其取利也窮天極地而盡人其得
禍也喪身亡家而滅族時以爲知言

楊五川儀年十九便有才情遠唐六如作水墨桃杏

二枝在一扇頭將作新詞題之而爲狂生大書詩
句于前六如見之怒甚取筆一抹詩盡盡墨時五
川就案以水筆洗滌新墨而狂生之跡不能盡去
乃因字刪改填補成長相思一調云桃花紅杏花
紅兩樣春光便不同各自逞嬌容倚東風笑東風
綠葉青枝共一叢靜愛碧烟籠六如大加嘆賞

五川宴王古樵訪宅有三歌兒甚慧麗取筆信口賦
三絕與之其一云芙蓉江上錦雲秋一片歌聲入
畫樓月似銀盤人似玉重門深鎖醉韓侯其二云

初逢小玉認難真粉面何郎是後身扇底一聲金
絡索倚窓應有斷腸人其三云昨夜金樽對月明
羅衣狼籍酒痕腥今朝錦帳重重裏又聽嬌鶯自
在聲

五川藏古賢名蹟甚多而詩詞墨妙無所不佳所藏
蕭翼賺蘭亭圖後人王弇州弇州甚寶愛之又書
法駕曲三章爲故相夏文愍公代筆亦爲弇州所
有以備三吳楷法

錢海山籍如和倪雲林江南春詞白洛原吏部邀賞

七言歌行大有才情後以健僕壯子恃勢恣行遂致家貲傾蕩其上耿兵憲詩有官如曾母雖投杼家誦參乎豈殺人之句亦爲可憐若夫劔閣春聯所稱無邊風月供嘲弄有主江山屬剪裁時人欲坐以不軌則誣之甚矣

張果齋京安亦有詩文名時桂洲夏少傳誕日舉朝俱有詩祝之而果齋爲五言排律成三十韻桂洲大嘉賞一時作者如皇甫百泉輩皆愧莫及

沈鈞玄應魁與王槐野維禎同賦宮門怨沈先成一

行云明湖漾春雲亭亭若車蓋館娃官裏罷吹簫象床玉枕今安在已憐香徑綺羅空復嘆荒臺麋鹿藜淒涼芳草路邊人還指西施鳴屨處傷心一夜北風吹落盡桃花三月枝澁朗只今臺上月照見吳王繁盛時當時粉色艷月彩今日古墳烟樹低雄心伯業俱已矣惟有月下孤猿啼猿聲哀哀聞不得又恐清曉催黃鸝王大稱賞爲之閣筆

陳提舉太湖文周祭酒琴溪公之子也有湖庄山園王元美題詩其上云前窓湖水後窓山桃李棠梨

樹樹殷薄行只應紅粉是別將春色傍人間其二
云尊前春色競爭新忽憶陳王句裏人屈指古今
行樂處祇應唯有片時真是詩有興衰之感然後
三十年而其孫繩武再歌鹿鳴曾孫亦翩翩俊才
湖園春色自在令元美見之復當別咏

王元肅揖與雅宜山人王寵善雅宜有白雀寺寄元
肅詩今入志中然元肅亦自有詩如崑夷之變和
兄元定見懷韻云昔日啣杯湖水濱今聞湖上徧
風塵緘書洒淚痕猶在憶弟看書句更新故土已

隳三世業危城能保百年身山園半畝今無恙秋
雨蕭疎好種蓴又懷楊用修太史併達情排律二
十韻今俱入詩選中後贅于崑山仕爲沂州同知
王元美贈以詩有老去形骸仍土木向來趨走自
衣冠名流北海開尊集爽氣西山拄笏看之句

陳莊靖七歲時過外大父呂中村祚呂公指月而屬
之儷語公應聲曰大象懸中天清光照下土呂公
竒賞之後建言廷杖歸至桃源澗賦詩有一片烟
霞地百年泉石心之句旣歿而勅塋于此亦詩識

也今桃源祠中卽榜二句于兩楹云

錢行所順時詩亦清俊有秋日避寇望鄉一律云出
部含雲翠涼風萬里長鴈悲邊塞月人枕戍樓霜
南海波難淨東籬菊自黃故園凝涕處離素倍堪
傷後成進士未三十卒時人惜之

何雍山鑛好吟咏而五七言歌行尤工隆慶戊辰計
偕與趙定宇用賢過臨清同賦清源行絕清婉淒
切令人有故園之感惜趙集未刻而何詩携入閩
中客死散失當時不請錄之深以爲恨

近世 邵北虞圭潔長于七言孫百川樓長于五
言趙定宇用賢無有所長其集俱未刻

布衣中有沈石丘冕已見林士志外又有薛尚質
號夢舟季其號蓮溪三君俱梅李人俱博學能詩
又時稱梅林三絕今季稿不傳而薛沈俱有刻本
夢舟名尚質嘗考訂十年著三吳水利考搜求摩
畫極其詳明郡守王公道行蔡公國熙見而悅之
俱敬禮爲上客而蔡公梓行其書迄今譚水利者
多祖述焉後以收香稅事橫被憲訪遣戍過陽曲

新志 卷末
隋曲寔王公道行之鄉薛因謁見王公王留款分
韻賦詩薛得句云今爲細柳管中客舊是甘棠樹
下人王大稱賞管救得歸

石丘所著有止窩集緣讀陶靖節詩有坐止高蔭
下步止葦門裏好味止園葵大懼止穉子之句因
爲四止窩詩又雜擬詩八首其擬李翰林云長安
城外雨初收橫笛哀哀城上樓蛾眉吊影綺幃月
絡繹啼寒金井秋烽水直通秦塞遠星河低傍漢
宮流六飛消息艱難甚烏道凌空度蜀州擬高帝

侍云古來勲業幾人收愁覩風烟夜上樓馬色不
分邊月曙角聲吹斷隴雲秋白頭漢將無時返碧
眼胡兒有淚流醉倒軍中猶自樂西風一曲小梁
州他作俱類是又秋興和杜韻八首云清秋卧病
冑邊林露篠烟蘿一逕森紫閣鳳飛紅日畔青樓
燕隔彩雲陰四愁不展張衡志九辨空悲宋玉心
獨抱芳蘭驚歲晚西風吹斷搗衣砧其二云江山
系暮日西斜病後驚看髮易華千里薄遊餘短劔
自年虛跡任浮槎正憐高閣吹羌笛忽報中原起

戊笳欲寄同心無那遠楚江空老白蘋花他作亦
俱類是不能盡錄海內名家多傳誦焉

復軒之選嘗以詩投沈石丘石丘答詩云鄴下才
名世總聞行空八駿邁風神廿年遊宦青箱舊三
疏還家彩服新北極星辰瞻咫尺東山風月卧因
循著書高閣無心下却爲潛夫倒屣頻時服其工
梓堂敲有懷舊錄沈石丘題其後云紫琳山下月
空高無復相尋上小舫米芾襟情超世俗堯夫學
術本人豪詩于信口存風範盡到無心也雲蕉讀

罷新鈔悲舊事一燈風雨坐寒宵

鈎玄應魁有西湖覽勝集沈石丘題其後云越國
風煙入畫圖未隨司馬一操觚剡中獨識真山面
禹穴窮探治水符三日卧遊過勝踐六橋歌嘯欠
狂夫瑤編卷束歸蘭閣胸次西湖已不無

石丘寄宿荷亭禪院欲觀拂水爲雨所阻因有詩云
花底茶煙竹裡燈新年行樂對高僧石床清夢淹
三宿雪竇禪機了一乘冷覺松霏吹醉枕靜聞山
雨點疎檣飛泉漫說西巖勝迥隔烟蘿更幾層

雜著志小序

自昌黎作毛穎傳柳州見而悅之而後世爲雜傳者始多吾邑巧心俊舌好爲譎文然其言不雅馴且或傷厚道吾無取焉考之先詰有戲以藥名作傳者今載二首以備雜體之一

桑寄生傳

蕭韶 號觀淵

桑寄生者常山人也爲人厚朴少有遠志讀書數百部長而益智不凡雌黃古今談辭如玉屑狀貌瑰異龍骨而虎精膂力絕人運大戟八十斤走及千里馬

與劉寄奴爲布衣交劉卽位拜爲將軍日含雞舌侍
左右恩幸無比薦其友周升杜仲馬勃上召見之曰
公等所謂參苓芝朮不可一日無者也何相見之晚
耶生卽進曰士以類合猶磁石取針琥珀拾芥若用
小人而望其進賢是猶求柴胡桔梗於菹澤也然頗
好佛與天竺黃道人蜜陀僧交最善從容言于上上
惡其異端弗之用木賊反自號威靈仙與辛夷前胡
相結連犯天雄軍上謂生曰豺狼毒吾民奈何生曰
此小章寇臣請折箠答之上大喜賜穿山甲犀角帶

問何時當歸曰不過半夏遂帥兵往乘海馬次賊大
戰百合流血餘數里令士卒挽大黃發赤箭賊不能
當遂走絆于鉄蒺藜或踐滑石而躓悉追斬之惟先
降者獨活以玄胡索繫之而歸獲無名異寶不可勝
計或曰馬援以薏苡興謗此不可留也俱籍獻之上
迎勞生日卿平賊如剪草孫吳不能過也因呼爲國
老而不名生益貴賞賜日積鍾乳三千兩胡椒八百
斛以真珠買紅娘子爲妾紅娘子者有美色髮如蜀
漆顏如丹砂體白而乳香生絕愛之以爲牡丹芍藥

不能與之爭妍也上聞賜以金銀花玳瑁簪月給脂胡粉之費一日上見生體羸謂曰卿大腹頓減非以好色故耶宜戒淫慾節五味以自養且令放遠其妾生不得已贈以青箱子而遣之然思之不置遇秋風起因取破故紙題詩以寄焉其詩曰牽牛織女別經年安得鸞膠續斷絃雲母帳空人不見水沉香冷月娟娟澤蘭憔悴渚蒲黃寒露初凝百草霜不共玉人傾竹葉茱萸甘菊自重陽妾合之曰蕙絲曾附女蘿枝分手車前又幾時羞折紅花簪鳳髻懶將青黛掃蛾眉丁香謾比愁腸結豆蔻長含別淚垂願學雲中雙石燕庭烏頭白竟何遲天門冬日曉蒼水落葉愁驚滿地黃清淚暗銷輕粉面凝塵閒鎖鬱金裳石蓮未嚼心先苦紅豆相看恨更長鏡裏孤鸞甘遂死引年何用覓昌陽生得詩情不自勝乃言于上召之使返然生既溺于欲又不能防風寒所侵寢以成疾面生青皮兩手如乾薑皤然白頭翁也上疏乞骸骨上曰吾曩者預知子之有今日矣賜神麴酒百斛以皂角巾歸第養疾而卒作史君子曰桑氏出於秦大

夫子桑生蓋桑白皮之後也有名蝮蝮者亦其遠族
生少孤熒僅知母而不識父卒能以才見于時非所
謂却林之桂枝沅江之鱉甲也與其後耽于女色甘
之如石蜜而忘其苦于熊膽美之如琅玕而不知其
毒甚于烏蛇也迷而不悟卒以傷生惜哉

相傳邑中有桑姓者所行多不謹故觀瀾爲此傳
語多含譏刺云

黃精傳

丁奉

黃精字細辛別號海桐幼名阿魏世居穿山今徙石
南蓋天竺黃之遠族曾祖黃璞常山縣令祖鑿者父
黃連字續隨精自少無食無名與杜仲藍實者俱寄
生空青山中兄黃岑勸曰盍求一生地乎精乃求獨
活未幾至景天寺訪密陀僧僧號菴蘭叟性厚朴貌
麻黃大腹皮常從天南星士得玄精之術料事百合
人稱威靈仙乃謂精曰吾相爾伏骨如犀角膚如麝
香宜貴也今爾每食續斷食敗醬之味居牛膝之傍
鄉人心如狼毒視爾猶衣魚鼠婦曾無覆盆之照者
爾何不讀書百部耶精素有遠志遂奮曰吾不復伏

翼矣乃讀書徹夜燃燈心嘗能膽自勵及赴舉至絡石村禱于茯神廟卜者謂有登天門之兆乃獻龍骨呈祥賦謁昌陽王王在珍珠殿其儀衛皆射巴戟大戟精駭曰吾王天靈蓋如此臣豈有石膽冒進耶時靈砂山人梅實爲相方欲使君子以自輔乃薦之其詞曰精有知母之孝有貫衆之才有益智之見王聽而用之擢爲國老精始娶白木女貞實執婦道灑掃不一落箒精以驟貴待車前執馬鞭者每百人居沉香亭設雲母屏飲玉屑酒性畏寒不忍冬每多服欲防風則五加皮焉又賦政薄苛與人參商縱宗童劉寄奴交通外國辛夷前胡言官甘遂劾之曰伺之惡實矣卽罷相精笑曰吾王不留行矣吾祿食比前不但五倍矣吾豈爲王而骨碎也乃攜青箱乾漆器千件道出消石鄉遇烏賊木賊遮劫之迫抵家其親友茅根郁李偕其妻族白歛白及笑迎之曰子爲宦夫何首烏卽歸也居數載作白頭翁與客雷丸以共樂嘗嘆曰人生如夏枯草耳梁上塵耳因改號決明子蓋自侈其蚤休也後病卒葬蓬砂山厥生一子黃藥

早沒精泣曰其柰沒藥何晚娶石常女爲妾生三子
幼名大黃雄黃牛黃其終皆莫悉云

附刻災異志

永樂三年五月大水

宣德九年八月黑晝見

景泰五年正月大雪行人陷溝壑中多凍死六年春
夏大疫地震十月有虎入城突入民家溫氏獲之
天順四年五月大水斗米百錢 七年十一月夜大

雷雨

成化元年大水 十五年九月二十日地震 十七
年春夏大旱蝗食禾秋大水虎食人 十八年春

夏大水 二十一年秋大旱

弘治元年五月大風雨殺稼飛鳥殞傷十二月虞山
鳴 四年正月至六月霪雨民不得稼二月十九
日縣治災 五年五月大水田禾滄沒民多流徙
復大疫 六年五月大水有蟲大如蚊棲于牆壁
樹木羣飛蔽空旬日得雨始滅 七年大水灌城
郭舟行入市 十一年六月十一日水溢凡池沼
皆然 十四年邑民婦產子兩頭合體
正德二年民間傳有狐魅所至折竹相擊禦之

四年夏大旱 五年大疫歲凶 六年大水大疫
七年霸州文安劇寇劉七等亂于江上 八年冬
大雪 九年天鼓鳴 十年大水 十三年夏大
水冒城郭民無食多死 十五年大水民艱食五
月十六日龍見西北壞倉市居民楊朴等家大雨
連五晝夜

嘉靖元年七月二十五日大風雨拔木江海噴濤
沒室廬人畜無算 二年大旱民不得稼
三年春夏大水民艱食 四年夏秋旱 八年大

蝗春夏雨秋旱 十三年夏旱 十四年夏旱秋
大水 十五年有蝗 十六年大水 十七年夏
大雨害稼 二十三年大旱每米一石價銀乙兩
七錢 三十二年倭夷入寇 三十三年三月日
出時有黑員如日者以百數與日並麗日上有物
覆之如月魄而差小于日摩盪閃爍日爲茫昧光
四漏如線四月倭夷復至 三十四年復大至知
縣王鈇死之焚毀室廬劫掠貨物殺害人氏淫汚
婦女無筭流離載道所在丘墟

三十八年大旱白茆枯竭汲井無泉

四十年大水無禾稼流離載道餓殍相枕無相

嘉隆萬三朝凡三大凶年則嘉靖甲辰是年辛
酉及萬曆戊子是也一大變則癸丑甲寅乙卯
倭亂是也合計六年中饑死殺死不知幾萬萬
而辛酉後遂邑里蕭條戶口減損

隆慶二年元旦大風飛沙走石白晝晦冥 春正月
訛傳朝廷命內臣選宮女于各省民間嫁娶爲之
一空各務苟合無復人道有司知而不禁

三年五月大水霖雨兩月城以外水光接天
萬曆三年八月朔日食既白晝晦冥羣星俱現

五年彗星見于西南有光如帚其長竟天

七年大水由邑城至長洲崑山界一望無際民艱
食八年大水復如之

十年七月十四日大風雨拔木江海及湖水俱嘯
湧漂沒室廬人畜以萬計

考之實錄嘉靖壬午曾有此變及是正週 甲子
而戊辰巳巳兩日干支亦同

十五年大水 十六年大水復大疫

是時米價湧貴每一石值銀乙兩大錢大半之
餓莩填塞街衢而城濠浮屍無筭舟行則篙櫓爲
屍所礙若吳門則屍積如山

十八年八月地震

十九年七月初十日海濱訛傳倭夷入境民間倉
卒驚怖逃竄富家大族少婦弓鞋俱褰裳涉水多
溺死者父母妻子多離散越次日乃息沿海各縣
皆然 此以後關白果擾亂朝鮮吳中戒嚴而

常熟則有增城之役

二十二年六月民間妄傳有狐魅至驚擾通宵
二十三年九月十二日河水驟溢池沼皆然茂林
修竹同時俱仆而復起

二十四年七月颶風傷花豆高鄉鞠為茂草

神異志

凡鬼怪夢寐及民間細事雖奇不載

蔣子修上疏

蔣御史子修名欽正德初元偕同官十三人上疏論
時事方夜屬草燈下有鬼聲子修自念此疏一上且
掇奇禍彼鳴者得非吾先靈覆念後胤欲尼吾事乎
因起視曰倘是吾先人何不厲聲告我言未畢聲四
振于壁子修嘆曰吾業已委身義不得顧私使緘默
負國為先人羞亦均于不孝矣即死不可易也聲遂
止疏上與同官皆坐逮被杖創甚而卒天下傷之

常熟志
見陸粲庚巳編今人訛傳爲楊繼盛事非也

顧知州事

顧欽者常熟人弘治戊午由南京籍中鄉舉任福寧州知州一日坐視事有烏鴉千餘集牆宇鳴噪顧使人麾之不去俄有數鴉頭墮庭中顧忽頭痛暴死

呂秀才家事

嘉靖二年邑庠生呂玉家五渠村一日入城值微雨其家前庭有廢屋基忽雲中二舟各長丈餘墮廢基上行舟人皆長二尺餘紅帽雜色襦袴手持篙往來行甚疾玉家塾中書生十餘人悉驚趨視之舟人引手前掩書生口一時口鼻皆黑噪不能語俄見舟中有一人擁衛如尊官結束如居士與一僧同起居久之雲擁舟起而呂氏有祖墓在牆外里許舟復墮其中舟既去書生口鼻亦悉如故然越五日玉以暴疾

死楊儀記

錢吏員事

直塘舊屬常熟弘治中有吏員錢姓者居焉武斷鄉曲其里中有婦曰趙重湯色美錢心慕之且以其夫

貧可餌一日召語曰吾聞爾有幹局吾貸爾錢販布如何夫幸甚卽以貨易布使商于外錢遂與婦通夜遣人詐爲盜殺夫于途中而以被盜聞官夫之族人知而發其謀縣令楊公子器逮兩人鞠之不承姑繫之獄自是數月亢旱時桑民憚通判家居謂楊公曰公知所以不用乎坐錢趙獄未決耳楊公大悟立加兩人嚴刑始款服少時大雨如注闔縣歡呼以爲神錢訴之上官移獄于府用巧計管脫不得復訴于朝下南京三法司提問錢已賂津要爲內援竟得幸免

甫出部門少憇是日天色清明忽疾雷一聲四人皆震死一時哄傳以爲奇事

陸延枝記

斗神救災

正德丙寅奚浦錢氏遭回祿之變其族連居數房皆延燒凡三夕始滅煨燼中有小樓三楹歸然獨存惟所謂小四房姑婦二人孀居同處樓中方火熾時烟焰四逼二人窘怖無措素事斗神但叩頭求救須臾見朱衣者七人立簷下舉袖麾之火應手而散七人忽不見婦姑拜起則四面無一椽留矣

陸榮記

李通判家神怪

李通判名栗天順壬午舉人宅故多怪一日會客滿堂方行酒忽衆客巾帽一時皆自脫上附梁棟左右飄蕩如飛鳥時楊弘載知州亦在座拱手祝曰若何神也而以冠裳爲戲乎祝已巾帽仍復本人如故又一日邑人湯潤雨中遣使至其家置傘于門外而言事于堂上語畢出取傘則已失矣遍求之不得更歲餘其家一故櫃封識已數年偶發之傘在焉長轉取之不能出斷其柄始能出之

楊儀記

楊知州獲金事

楊東溪名集景泰甲戌進士少爲諸生嘗齋居至福山巡司例有款贈銀五兩而同行者又二生則皆學中霸儒也盡取之止以款筵食品送楊公公不平其地濱江公獨步江干濯手口有恨詞而二人者徐躡聽之從後遽推楊公入水公兩手下拒入沙土中持一物起視之乃銀一錠也此銀久爲波浪洗嚙光潤瑩白傳玩可愛稱之亦正五兩二人共駭異

楊儀記

神祠傳報

嘉靖辛丑嚴文靖將赴南官試五鼓謁辭張睢陽廟甫至而見甲者魚貫入若傳報聲比入門聞無一人日向甲者乃神侍卒也

見行狀中

叱滅鬼燐

瞿文懿為諸生時嘗扁舟夜行巢湖中有鬼燐數百千直逼舟側公厲聲叱之隨應聲而滅又嘗乘舟入城忽見山浸川中草樹瓌瓏蒼翠鬱芊心怪之因遲遲其行及返自城而舟復經焉則水碧如故四山影無有矣

見神道碑

維摩息怪

陳莊靖公少讀書維摩寺寺故園寂多鬼物一夕偶步中庭有大聲發于樹然若有怖畏狀公徐曰去之吾不汝窘也言訖而滅

見墓志

真武示異

虞山拂水巖上有真武行宮蓋封大學士嚴公所建也遠近士民祝釐祈福者褰衣跣足畢集于茲歲所收香緡亦復以百千計迨其後豪姓爭收始構訟紛紛釁端無已而文靖公子中書舍人遂有毀祠遷神

之疏陳乞院道院道未有以報而中書旋且入都途次夢神告曰若移動吾香火當降汝重譴無何旁舍遂遭回祿緣此不復議毀議遷而願以香稅入官邑令張公集義具文請于道院道院報可遂委官登記收入之數為糴穀備賑之用萬曆三十一年撫院移文停罷之

見碑記

龍神示異

正德十三年五月十五日龍見于邑之西北一白龍目如雙炬玉光閃鑠前有二黑龍差小若前者由大壘橋東入于海所經民居牛馬柱礎磨心屬悉飛蕩空中行人舟楫俱掀至半空而墮墮下者自言如在夢中初不自知也有僧和一佛堂在水之南僧偶出雨霽僧還而佛堂徙于水北壁落如故而封鑰宛然

王公疾異

王公之麟為山東叅政遘疾每一寢一起則平板上割然一大聲凡百餘次皆知之又每嘔一痰則群鼠數十爭出拾其唾餘擊之則寬散無有竟不知其于

何起滅亡何遂不起亦異哉

風俗志

善俗十條

一士大夫相與禮節雍容情意和藹無權力相軋智術相傾之習其有民間利病或不惜公言爲有司緩頰

一縉紳仕宦別省卽有鄉曲親故不願輕身往謁以私意相干

一學校敬事師長歲時餽遺慇懃款曲若府庠師生則遂有經年不識面者是吾邑獨厚也

一遠方士子薄遊常熟者凡知名士邑中爭延致之
問餽相將卽一才一藝如堪輿星相之屬亦不使
落莫足稱好事

一民間務本力穡田無曠土其婦女入勤女紅而出
則饁餉耨草戽水俱與有力焉所謂佚則忘善者
民間無之

一延師教子其供帳館穀類從豐厚而儒家子弟多
彬彬向學所置古文圖籍視他邑爲獨多

一喪葬大事必誠信慎重致客弔奠以多爲貴雖至
貧乏義不受一束芻其祖宗丘壠雖累世亦微不
忍廢棄若他邑則有火葬者有孝子送喪之日而
親友強之飲遂飲至大醉者吾邑無之

一邑擅山水之勝每春時必載酒速客留衍山谷薄
暮而返夏月則泛兩湖採芰荷秋則折桂冬則踏
雪探梅其士大夫家樓船畫舫妓女笙歌窮極四
時之趣卽圭竇之子一觴一咏亦足適情頗得江
左風流之致

一單門賤子卽暴起至大富士論必下其品凡婚姻

交際稱謂必無易與

一地臨湖江既多水族而城接林藪亦有山禽人多
漁畧增繳之利其士民烹肥擊鮮可咄嗟而辦節
時節序聚會懽呼出入往來躡輕榜楫興至則歌
咏適情清揚淒婉有楚人竹枝遺音此則吾邑之
樂也

惡俗八條

一投獻田宅民間或兄弟叔姪相爭即將祖業分授
已定者盡獻于豪有力之家豪家隨遣狼僕數人
下鄉封門召佃其田主屋主或執券而爭則老拳
毒手交下如雨而其主涕泣退矣退猶沽酒市脯
鷄豚款待瀕行猶索舟金謝禮田主不得已遂挾
厚餽取贖文契是趙甲投獻而趙乙贖之趙乙所
得者什二而豪家得其什八矣

大都此事非盡由主命亦多依憑城社者爲之

一兄弟叔姪投獻猶云分授之時或有偏向也至于五世祖免之族或百年以前交易又有異姓無籍之輩從無交易者遇有忿憾亦立一契投獻而豪門狼僕其肆毒亦如之則趙甲獻而錢乙贖矣如此惡俗不知何時而止可爲仰屋竊嘆

一兩貧兩富相爭不相下者卽投勢家爲覆庇于是有鬪必強有訟必勝一或不勝則執其人于豪門榜掠雜治百倍于官府其受辱者無從叩門伸訴也甚則有家主衰落而豪奴敢爲跋扈者亦遂投

身勢家其主登門訴說則反面辱詈而亂拳隨之一兩家爭訟惟力是視其有力者顧集打門數輩伺候街衢執其人痛打有所謂隔年拳者則一年而死又有三年而後死者此洗冤錄所不載卽其子孫明知受毒之故亦無所伸訴也若其中錢財酒漿屈用枉費以至傾家者不可勝載

一習尚好賭遂至無處不賭無人不賭無日不賭而各市鎮尤多緝治之法窮而此輩無窮一輕薄少年遊戲微逐好爲造謗謗官府能使趙清

獻必有苞苴。上誘縉紳能使王彥方亦有貪污謗聞。聞能使栢舟婦亦爲濮上桑間甚則捏造歌謠巧作對偶轉相談說以爲歡笑惟老成謹厚之士則惡聞之。

一喪葬之家以致奠多寡爲親疎遂有店肆中預辦奠儀如三牲五糖之類無不畢具欲致奠者重則百錢輕則廿錢賃取一時具陳柩前以人拜塞責喪家則具力錢以償賃取之費迨趙甲之奠方出而錢乙之奠又至始終固此一品物而負擔者或

一日數十至不知誠意安在可大發一笑者此也。一富貴之家有門客有食客有狎客座中買笑獻諂毀人譽人其膏梁子弟盛氣思樂者爲其所惑溺凡鬪賭豪蕩生事害人以至敗倫傷化者皆由此而見事風生緝訪衙門獄訟以爲豪門居閒地者亦此輩也一經告發則奴顏婢膝展轉求庇潛踪滅影而主人朝失勢暮而鳥獸散矣可爲痛恨王公世懋有遠壬文其形容殆盡故惡俗以此輩終焉。

常惠志

屋作

三

